

外
六

六科準繩



外科準繩卷六

金壇王肯堂輯 瘦樵程永培校

跌撲傷損

金瘡 杖瘡 箭頭入骨 竹木刺針入肉

瘀血停積

素問云人有所墜墮惡血留內腹中滿脹不得前後先飲利藥此上傷厥陰之脈下傷少陰之絡刺足內踝之下然骨之前血脈出血刺足跗上動脈不已刺三毛上各一疳見血則已左刺右右刺左善惡驚不樂刺如右方

繆刺論

靈樞云有所墜墮惡血留內有所大怒氣上而不行下積於脇下則傷肝又中風及

有所擊仆若醉入房汗出當風則傷脾又頭痛不可取於脰者有所擊墮惡血在內若肉傷痛未已可側

刺不可遠取之也

邪氣臟腑及厥病篇

東垣醫學發明論曰夫從高墜下惡血留於內不分十二經絡醫人俱作中風肝經留於脇下以中風療之血者皆肝之所主惡血必歸於肝不問何經之傷必留於脇下蓋肝主血故也痛甚則必有自汗但人人有汗出皆屬風證諸風皆屬於肝木況敗血凝泣逆其所屬入於肝也從高墜下逆其上行之血氣非肝而何非傷寒無汗既曰汗必自風化之也故以破血行經藥治之

靈樞又云身有所傷血出多反中風寒若有所墜墮四肢懈惰不收名曰體惰取小腹臍下三結交陽明

亡血過多

外科準繩

卷六跌撲傷損

太陰也臍下三寸關元也寒熱篇○三結交者即關元穴是也

劉宗厚曰打撲金刃損傷是不因氣動而病生於外外受有形之物所傷乃血肉筋骨受病非如六淫七情爲病有在氣在血之分也所以損傷一證專從血論但須分其有瘀血停積及亡血過多之證蓋打撲墜墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者兼補而行之又察其所傷有上下輕重淺深之異經絡氣血多少之殊惟宜先逐瘀血通經絡和血止痛然後調氣養血補益胃氣無不效也頃見圍城中軍士被傷不問頭面手足胸背輕重醫者例以大黃等藥利之後大黃缺少甚者遂以巴豆代之以爲不於初時瀉去毒氣後則多致危殆至於略傷手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脈愈見堅大醫者不察又以爲瘀血未盡而後下之因而夭折人命可不慎歟

內經云肝脈搏堅而長色不青當病墮若搏因血在脇下令人嘔逆 脈經云從高顙仆內有血腹脹滿其脈堅強者生小弱者死

金匱云寸口脈浮微而澀然當亡血若汗出設不汗者其身有瘡被刀斧所傷亡血故也 脈經云金瘡

血出太多其脈虛細者生數實大者死 金瘡出血脈沉小者生浮大者死 砍瘡出血一二石脈來大者二十日死 砍刺出血不止者其脈止脈來大者七日死滑細者生

右破傷之脈若瘀血停積者堅強實則生虛細澀則死若亡血過多者虛細澀則生堅強實則死者爲脈病不相應故也

戴院使云仆踣不知曰跌兩手相搏曰撲其爲損一也因跌撲而迷悶者酒調蘇合香丸灌之因跌撲而損傷宜逐其惡血酒煎蘇木調蘇合香丸或雞鳴散或和氣飲加大黃入醋少許煎或童便調黑神散不用童便用蘇木煎酒調亦得跌撲傷疼酒調琥珀散極佳烏藥順氣散亦可

大法固以血之瘀失分虛實而爲補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治三四月不得平復更甚者氣血內停阻塞真氣不得行者必死急瀉其血通其氣亦或有可治者焉 傷損論曰夫傷損必須求其源看其病之輕重審其損之淺深凡人一身之間自頂至足有斫傷打傷跌傷及諸刃傷者皆有之凡此數證各有其說有當先表裏而後服損藥者爲醫者當循其理治之然醫者意也不知意者非良醫也或者稟性愚昧不能觀其證之輕重明其損之淺深未經表裏通利先服損藥誤人多矣有因此痰涎上攻有因此大小臟腑閉結差之毫釐繆

腦右為就
骨者一
原本少今
補

以千里所謂醫不三世不服其藥信哉 此論治損傷之大綱也然用藥固不可差而整頓手法尤不可

孟浪今以人之周身總三百六十五骨節開列於後人身總有三百六十五骨節以一百六十五字都關

次之首自鈴骨之上為頭左右前後至轅骨以四十九字共關七十二骨顛中為都顛骨者一有勢微有液

次顛為體骨者一有勢微體前為頂威骨者一微有體女體後為腦骨者一有勢微腦左為枕骨者一有勢

液腦右為就骨者一枕就之中附下為天蓋骨者一下為肺蓋骨之後為天柱骨者一下屬脊蓋前為言

骨者一言上復合於體言下為舌本骨者左右共二有勢體前為顛骨者一無勢顛下為伏委骨者一無

詭為伏犀骨是也無勢附下即眉字之無勢無體顛前為顛骨者一無勢顛下為伏委骨者一無

一眉上直目睛也左睛之上為智宮骨者一無勢右睛之上為命門骨者一兩睛之下鼻之前為梁骨者一無勢

梁之左為顛骨者一有勢梁之右為紕骨者一顛紕之後梁之端為嵩柱骨者一無勢左耳為司正骨

者一無勢右耳為納邪骨者一同上正邪之後為完骨者左右共二無勢正邪之上附內為噓骨者一無勢

噓後之上為通骨者左右前後共四有勢噓上為嚬骨者一無勢其嚬後連屬為頤也左頤為乘骨者一

有勢右頤為車骨者一同上乘車之後為轅骨者左右共二有勢乘車上下出齒牙三十六事無勢隨庸下

數復次鈴骨之下為臚中左右前後至孫以四十字關九十七骨轅骨之下左右為鈴骨者二多鈴中為

會厭骨者一無勢 鈴中之下為咽骨者左中及右共三無勢 咽下為喉骨者左中及右共三同 喉下為嚨骨

者環次共十事同 嚨下之內為肺系骨者累累然共十二無勢 肺系之後為谷骨者一無勢 谷下為偏道骨

者左右共二同 嚨外次下為順骨者共八少 順骨之端為順隱骨者共八同 順下之左為洞骨者一無此

順下之右為棚骨者一無此 女人洞棚之下中央為鬻髀骨者一無此 無鬻髀人髀髀直下為天樞骨者一無此 鈴下

之左右為缺盆骨者二有勢 多液左缺盆前之下為下獸骨者一無 右缺盆前之下為分饒骨者一同 獸饒之

後附下為倉骨者一同 倉之下左右為膠骨者共八有勢 無液髀下之左為胸骨者一男子此骨 大者好勇髀下之右為

蕩骨者一女子此骨 大則天夫胸之下為烏骨者一男子此骨滿 蕩之下為臆骨者一此骨高 多訛妄鈴中之後為脊窾骨

者共二十二上接天 脊窾次下為大動骨者一上通天柱共 大動之端為歸下骨者一道家謂 之後

為篡骨者一此骨能 限精液歸下之前葆骨者一此骨薄者 復次缺盆之下左右至觀以二十五字關六十骨此

止分兩手臂至十指之端衆骨 支其缺盆之後為偃甲骨者左右共二有勢 多液偃甲之端為甲隱骨者左右共二此骨長 則至賢前

支缺盆為飛動骨左右共二此骨薄 次飛動之左為龍臚骨者一有勢 無液次飛動之右為虎衝骨者一同

龍臚之下為龍本骨者一虎衝之下為虎端骨者一俱有勢 本端之下為腕也龍本上內為進賢骨者一

男子此骨 虎端上內為及爵骨者一女人此骨 腕前左右為上力骨者共八有勢 次上力為駐骨者左右

隆為名臣 高為命婦 繩 卷六 跌撲傷損 三

共十同次駐骨為擗骨者左右共十同次擗為助勢骨者左右共十左助外為爪右助外為甲爪甲之下各有靚骨左

右共十無勢復次髑髏之下左右前後至初步以五十一字關一百三十六骨此下至兩乳下分左右自

兩足心眾骨所會處也髑髏之下為心蔽骨者一無髑髏之左為脇骨者上下共十二居小腸左脇之端

各有脇隱骨者分次亦十二無脇骨之下為季脇骨者共二多季脇之端為季隱骨者共二無髑髏之右

為肋骨者共十二處太陽之分也肋骨之下為眇肋骨者共二各無隱骨右肋之端為肋隱骨者共十二無髑髏之右

之前為大橫骨者一有勢少髓橫骨之前為白環骨者共二有勢有液白環之前為內輔骨者左右共二有勢有液內輔

之後為骸關骨者左右共二同骸關之下為捷骨者左右共二同捷骨之下為脾樞骨者左右共二有勢多髓

脾樞下端為膝蓋骨者左右共二無勢多液膝蓋左右各有俠升骨者共二有勢多液脾樞之下為胛骨者左右共

二有勢多髓胛骨之外為外輔骨者左右共二有勢有液胛骨之下為立骨者左右共二同立骨左右各有內外踝

骨者共四有勢少液踝骨之前各有下力骨者左右共十有勢多液踝骨之後各有京骨者左右共二有勢有液下力之

前各有釋欹骨者共十釋欹之前各有起仆骨者共十有勢起仆之前各有平助骨者左右共十有勢平助之

前各有靚甲骨者左右共十無勢少液靚兩傍各有核骨者左右共二有勢多液起仆之下各有初步骨者左右

共二有勢無髓有液凡此三百六十五骨也天地相乘惟人至靈其女人則無頂威左洞右棚及初步等

骨者共十
原本少今
補

五骨止有三百六十骨又男子女人一百九十骨或隱或覩或無髓勢餘二百五十六骨並有髓液以藏諸筋以會諸脈谿谷相需而成身形謂之四大此骨度之常也

〔頭目鼻耳傷〕凡腦骨傷破輕手撻捺平正若皮不破者用退腫膏敷貼若皮破肉損者先用封口藥揆之外以散血膏貼之若皮破血流者用止血散揆之若腫痛者用葛葉毛藤葉楓葉尾砍爛傅之不可見風著水恐成破傷風 凡腦骨傷碎在硬處可治若傷太陽穴不可治如在髮際須剪剃去髮看皮破不破依上用藥敷若欲洗宜用熟油和藥水洗或和溫茶洗之 凡面目傷青黑色用一紫散敷或紫金膏貼傷重者用補肉膏敷貼 凡腦兩角及後枕或兩眉有傷可治眼睛傷腫神不碎可治或眼胞傷紫黑色用一紫散敷貼或紫金膏敷貼傷重者用補肉膏敷貼若兩鼻孔跌磕傷開孔竅或刀斧傷開孔竅用封口治血出無妨鼻梁打撲跌磕凹陷者用補肉膏敷貼若兩鼻孔跌磕傷開孔竅或刀斧傷開孔竅用封口藥揆傷處外以散血膏貼之退腫 凡耳斫跌打落或上脫下粘或下脫上粘內用封口藥揆外用散血膏敷貼及耳後看脫落所向用鵝翎橫夾定却用竹夾子直上橫縛定縛時要兩耳相對輕縛住

〔舌唇口喉齒頤傷〕凡唇口刀斧斫磕跌墮等傷破皮傷肉者先用桑白皮線縫合却以封口藥塗傅次以散血膏敷貼牽住所封藥不令開落仍少言語 凡跌破唇耳鼻而拔缺者卽以封口藥揆外以散血

膏敷貼若缺骨缺耳先用麻藥塗之却以剪刀剪去外些皮卽以絹線縫合缺耳作二截縫合缺骨作三截縫合以雞子黃油塗次以金毛狗脊毛薄摻些於上次以封口藥塗抹之次日以茶輕洗就揆末一日換一次至八日剪去線又揆末 凡顙頰顙刀斧斫磕跌墮等傷破皮肉者用封口藥填瘡口外以散血膏敷貼或跌磕損傷未破皮肉者用補肉膏敷貼 凡刀斧斫磕跌破上脣而拔缺者用絹片一小條從腦後縛向前來縛合縫定次揆封口藥外以散血膏敷貼如下脣整法却以絹片從下頰兜縛及如前法整頓次揆末敷藥或無腫不須敷藥 凡偶含刀在口內戲耍誤割斷舌頭未全斷者用封口藥傳一日換二三次藥七八日全安 凡兩臉涎囊被刀斧斫磕跌墮等傷傷開涎囊者用絹線縫合却以封口藥塗敷外以散血膏敷貼七八日接住肉剪去線揆封口藥 凡牙齒被人打跌砍磕去了牙齒者只用補肌散摻及封口藥揆服破血藥止痛藥並用水煎藥服不宜用酒煎藥須知此法乃大有功 凡牙斷跌磕斫傷牙齒未動者用芙蓉膏末摻如齒動者用葵藜根燒存性爲末常揩搽之卽牢 凡割喉者用騎脚患人頭項以絲線先縫內喉管却縫外頸皮用封口藥塗傳外以散血膏敷貼換藥或喉被人打歪以手搖正却以前膏敷貼若結喉傷重軟喉斷不可治以湯與之得入腸者可治若並出者不可治

〔頸骨肩胛脇肋傷〕凡高處跌墮頸骨摔進者用手巾一條繩一條繫在枋上垂下來以手巾兜縛頸下

繫於後腦殺縛接繩頭却以瓦罌一個五六寸高看捺入淺深斟酌高低令患人端正坐於其罌上令伸脚坐定醫者用手掣捺平正說話令不知覺以脚一踢踢去罌子如在左用手左邊掇出如在右用手右邊掇出却以接骨膏定痛膏敷貼又一法令患人臥牀上以人擠其頭雙足踏兩肩卽出 凡左右兩肩骨跌墮失落其骨又出在前可用手巾繫手腕在胸前若出在後用手巾繫手腕在背後若左出摺向右肱右出摺向左肱其骨卽入接左摸右鬢接右摸左髻却以定痛膏接骨膏傳之 凡肩井骨及脇下有損不可束縛只捺令平正用補肉膏接骨膏定痛膏敷貼兩肋骨亦然 凡肩胛骨出相度如何整用椅一個令患人於椅後伸兩手於椅手圈住及以軟衣被盛墊脇下使一人捉定兩人拔伸却墜下手腕又令曲著手腕按捺平正却以定痛膏接骨膏敷貼絹片縛之

〔手傷〕手有四折骨六出曰凡手臂出曰此骨上段骨是曰下段骨是杵四邊筋脈鎖定或出曰亦剝損筋所以出曰此骨須拽手直一人拽須用手把定此間骨擗教歸窠看骨出那邊用竹一片夾定一邊一邊不用夾須在屈直處夾纔服藥後不可放定或時又用拽屈拽直此處筋多喫藥後若不屈直則恐成疾日後曲直不得 肩胛上出曰只是手骨出曰歸下身骨出曰歸上或出左或出右須用春杵一枚矮凳一個令患者立凳上用杵撐在於出臼之處或低用物墊起杵長則墊凳起令一人把住手拽去凳一

人把住杵令一人助患人放身從上坐落骨節已歸巢矣神效若不用小凳則兩小梯相對木棒穿從兩梯股中過用手把住木棒正稜在出臼腋下骨節蹉跌之處放身從上墮骨節自然歸臼矣 凡手腕骨脫絀直拽出醫用手擡起手肘腕以患人本身膝頭墊定醫用手於頸項肩處按下其骨還巢却用定痛膏接骨膏敷貼若手腕失落或在上在下用手拽伸却使手撚住方可用前膏敷貼藥夾縛若手肘骨出用圓椅橫翻向上醫用足踏住椅將病人手在椅橫內校曲入腕內以小書簿上下夾定平穩却用前膏敷貼用絹布兜縛兜縛時要掌向上若手盤出臼不可牽伸用衣服向下承住用手擡接動搖挪令平正却用前膏敷貼夾縛下用襯夾 凡手骨出向左則醫以右手拔入骨出向右則醫用左手拔入一伸一縮搖動二三次却用接骨膏定痛膏敷貼夾縛 凡手脚骨只一邊斷則可治若兩手脚骨皆斷者不可治 凡手足骨斷者中間一坐縛可帶緊兩頭放寬些庶氣血流蔭若如截竹斷却要兩頭緊中間放寬些庶使氣血聚斷處 若接縛手者前截放寬縛些使血散前去若按足者下截放寬些使氣血散下去 凡手盤出向下將掌向上醫用手擡損動處將掌曲向外捺令平正用前膏貼再用夾向背一片長下在手背外面一片短下在掌按處向小指一片長下在指曲處向大指一片短下在高骨處三度縛之 凡兩手臂骨打斷者有碎骨跌斷者則無碎骨此可辨之皆可用定痛膏接骨膏敷貼之 凡

手指跌撲刀斧打碎用雞子黃油潤次挾封口藥末外以散血膏敷貼絹片縛定若跌撲咬傷者用澤蘭散傳之若有寒熱者用退熱散傳之寒熱退即去之 凡手掌根出臼其骨交互相鎖或出臼則是出鎖骨之外須是搗鎖骨下歸窠或出外則須搗入內或入內則須搗出外方入窠曰 只用手撲則斷難入窠十有七八成痼疾也宜接骨膏定痛膏敷貼夾縛四折骨用杉皮竹片夾縛 出臼只宜以布帛包縛不可用夾要時時轉動不可一時不動恐接直骨

〔胸腹傷〕凡胸前跌出骨不得入令患者靠實處醫人以兩腳踏患者兩腳以手從脇下過背外相叉抱住患者背後以手於其肩掬起其胸脯其骨自入却用定痛膏接骨膏敷貼 凡胸脯骨有拳槌傷外有

腫內有痛外用定痛膏敷貼內用破血藥利去瘀血次用消血草搗酒服如刀傷先宜安骨定皮合口挪令平正却以封口藥挾瘡口外以補肌散以雞子清調敷貼內服補損藥活血丹之類 凡胸肋骨斷先

用破血藥却用定痛膏接骨膏敷貼皮破者用補肉膏敷貼 凡胸脇傷重血不通者用藁豆汁生薑和服一以壯力人在後擠住自吐其血次用破血藥 肚上被傷肚皮俱破腸出在外只腸全斷難醫傷破

而不斷者皆可治療 凡腸出可以病人手搭在醫人肩隨其左右收起以麻油潤瘡口整入腹却以通

關散吹鼻打噴嚏令腸自入用桑白皮線向皮內縫合後以封口藥塗傷處外以補肌散以雞子清調勻

外科 雜 繩 卷六 跌撲傷損 手傷 胸腹傷 腰腎股膝傷 六

敷貼或散血膏更妙 線上以花乳石散敷之 肚皮裂開者用麻縷爲線或槌桑白爲線亦用花乳石散敷線上須用從裏重縫肚皮不可縫外重皮留外皮開用藥摻待生肉 若腸上有小損孔以燈火照之腸中有氣射燈不可治 又一法腸出弔起病人手用醋煎山豆根汁服一口至二口却以針於病人頸上一刺其腸自入 凡肚皮傷破孔大肚腸與脂膏俱出放入內則用縫如孔小只有膏出手摻去膏不用縫此膏出者已無用了不可復入肚中反成禍患只須摻去不妨此是閑肉但放心去之肚內被傷者專用利大小腸不可待祕恐成重患

〔腰臀股膝傷〕凡腰骨損斷用門一片放地下一頭斜高些令患人覆眠以手伸上搬住其門下用三人拽伸以手按損處三時久却用定痛膏接骨膏敷貼病人渾身動作一宿至來日患處無痛却可自便左右翻轉仍用破血藥 凡臀髀左右跌出骨者右入左左入右用腳踏進摻捺平正用藥如跌入內令患人盤脚按其肩頭醫用膝旅入雖大痛一時無妨整頓平正却用接骨膏定痛膏敷貼只宜仰臥不可翻臥大動後恐成損患 凡腰腿傷全用酒佐通氣血藥俱要加杜仲 凡膀骨從臂上出者用二三人捉定腿拔伸仍以脚捺送入却用前等膏敷貼如在褶內出者則難治 凡脚骨傷甚難整當臨時相度難泥一說 凡兩腿左右打跌骨斷者以手法整其骨以手拽正上拽七分於前下拽五分於後整定用接

骨膏定痛膏敷貼以來縛縛時先縛中正後縛上下外用副夾若上下有腫痛無慮五日方可換藥凡
辯腿膀骨出內外者如不粘膝便是出向內從內捺入平正如粘膝不能開便是出向外從外捺入平正
臨機應變 凡脚盤出曰令患人坐定醫人以脚從腿上一踏一搬雙手一擰捺搖二三次却用接骨膏
定痛膏或理傷膏敷貼 凡膝蓋損斷用手按捺進平正後用前膏敷貼桑白皮夾縛作四截縛之其膝
蓋骨跌剝開者可用竹籐籐定敷藥夾定要四截縛之膝蓋不開也若腫痛須用針刀去血却敷貼用夾
若或內外踝骨左右脚盤剝跌損傷用脚踏直拽正按捺平正却敷貼前膏若膝頭骨跌出曰牽合不
可太直不可太曲直則不見其骨稜曲則亦然只可半直半曲以竹籐籐住膝蓋骨以繩縛之 凡骨節
損折肘臂腰膝出曰蹉跌須用法整頓歸元先用麻藥與服使不知痛然後可用手法治之

〔脚傷〕脚有六曰四折骨凡脚板上交脛處出曰須用一人拽去自用手摸其骨節或骨突出在內用手
正從此骨頭拽歸外或骨出向外須用力拽歸內則歸窠若只拽不用手整入窠內誤人成痼疾也宜接
骨膏定痛膏敷貼夾縛四折骨用正副夾縛束六出曰只宜以布帛包縛不可夾之 凡脚膝出曰與手
臂肘出曰同或出內出外只用一邊夾縛定此處筋脈最多時時要曲直不可定放又恐再出窠時時看
顧不可疎慢宜接骨膏定痛膏敷貼夾縛 凡脚大腿根出曰此處身上骨是曰腿根是杵或出前或出

後須用一人手把住患人身一人拽脚用手盡力擗歸窠矣或是剝開又可用軟綿繩從脚縛倒吊起用手整骨節從上墜下自然歸窠却用接骨膏定痛膏敷貼夾縛

〔背脊骨傷〕凡剝脊骨不可用手整頓須用軟繩從脚吊起墜下身直其骨使自歸窠未直則未歸窠須要待其骨直歸窠却用接骨膏或定痛膏或補肉膏敷以桑皮一片放在藥上杉皮兩三片安在桑皮上用軟物纏夾定莫令曲用藥治之 凡脚手骨被壓碎者須用麻藥與服或用刀刮開甚者用剪刀剪去骨鋒便不衝破肉或有粉碎者去其骨免膿血之禍然後用大片桑皮以補肉膏或定痛膏糊在桑皮上夾在骨肉上莫令差錯三日一洗莫令臭穢用藥治之又切不可輕易自恃有藥便割便剪便弄須要詳細審視當行則行尤宜仔細或頭上有傷或打破或刀傷或壓碎骨用藥敷貼縛之凡敷縛之際要於密屋無風之所勿使風入瘡口恐成破傷風之患切記切記

〔陰囊陰門傷〕凡陰囊被人扯脫者用雞子黃油塗以金毛狗脊毛薄攤於上次撲封口藥又用散血膏

敷貼外却用中葉金鎖匙紫金皮水煎服洗用紫蘇葉煎水洗 凡陰囊處有青黑紫色腫者用補肉膏

敷貼或用定痛膏加赤芍草烏良薑肉桂各少許打和用韭菜砍爛同藥貼如無韭菜葱葉亦可仍服利

小便藥 凡婦人腿骨出進陰門邊不可踏入用菴一條以綿衣覆上令患人於上臥醫以手拏患人脚

用手一擰上在好腳邊上去其腿骨自入却用接骨膏定痛膏敷貼 凡下近腿腓陰囊等處不用通藥但貼不令血蔭

〔筋骨傷〕凡斷筋損骨者先用手尋揣傷處整頓其筋骨平正用接骨等膏敷貼用正副夾縛定正夾用杉皮去外重皮約手指大排肉上以藥敷杉皮上藥上用副夾用竹片去裏竹黃亦如指大疎排夾縛凡骨碎斷或未碎斷但皮破損肉者先用補肌散填滿瘡口次用散血膏敷貼如骨折要接骨膏敷貼夾縛或皮破骨斷者用補肉膏敷貼 凡骨斷皮破者不用酒煎藥或損在內破皮肉者可加童便在破血藥內和服若骨斷皮不破可全用酒煎損藥服之若只損傷骨未折肉未破者用消腫膏或定痛膏 凡皮破骨出差曰拔伸不入擰捺皮相近三分用快刀割開些捺入骨不須割肉肉自破了可以入骨骨入後用補肉膏敷貼瘡四傍腫處留瘡口用補肌散填之皮肉不破用接骨膏定痛膏敷貼若破者必有血出用力整時最要快便 凡皮裏有碎骨只用定痛膏接骨膏敷貼夾縛十分傷害自然爛開肉其碎骨必自出然後摻補肌散外以補肉膏敷貼 凡骨碎看本處平正如何大抵骨低是不曾損左右骨高骨定損了如折骨要拔伸捺平正用藥敷貼以正副夾束縛勿令轉動使損處堅固如出臼曲處要時時曲轉使活處不强 凡敷貼用板子一片就板子上將蕉葉或紙被攤接骨膏定痛膏在上移在損處皮內

有碎骨後來皮肉自爛先摻補肌散次敷補肉膏碎骨自出若破斷皮肉先以封口藥填塗用線縫合外用補肉膏散血膏敷貼 凡平處骨斷骨碎皮不破者只用接骨膏定痛膏敷貼夾縛若手足曲直等處及轉動處只宜絹包縛令時數轉動不可夾縛如指骨碎斷止用些蘇夾縛腿上用些蘇繩夾縛冬月熱縛夏月冷縛餘月溫縛 凡拔伸捺正要氈絹軟物單正仍拔伸當近在骨損處不得前去一節骨上仍拔伸相度左右骨各有正斜拔者 凡擰捺要手法快便要皮肉相執平正整拔亦要相度難易或用三四人不可輕易 凡筋斷用楓香以金沸草砍取汁調塗傳次用理傷膏敷貼

〔束縛敷貼用藥〕凡束縛春三日夏二日秋三日冬四日縛處用藥水泡洗去舊藥不可驚動損處洗了仍用前膏敷縛若束縛要杉木浸軟去鱗皮竹片去黃用青共削約手指大片用杉木皮爲正夾竹片爲副夾疎排周匝以小繩三度縛縛時相度高下遠近使損處氣血相續有緊有寬說見前三日一次換藥敷直要縛一個月藥次以補損好膏貼之亦要以杉皮夾住令損處堅固骨老方不夾之其杉皮貼肉上藥敷杉皮上紙被貼藥上竹片夾紙被上縛之 凡腫是血作用熱藥水泡洗次敷貼等草藥一時討不及者只用理傷膏貼最便 凡用夾須攤藥於紙上平兩頭要帶薄搭頭搭得不厚不礙肉平坦者無高低不均之患若四岸高低不均此上便有空缺不著肉處卽生疱切記之 凡敷貼接骨等藥疼痛不